



Broj: 01-33-5-23764/24 Dž.B.
Sarajevo, 29.07.2024.

SKUPŠTINA KANTONA SARAJEVO
Reisa Džemaludina Čauševića 1
71000 Sarajevo
n/r Elvedin Okerić, Predsjedavajući Skupštine Kantona Sarajevo

Predmet: Odgovor na zastupničko pitanje zastupnice Belme Kapo

Poštovani,

Vašim aktom 01-04-32093-29/24 od 22.07.2024. godine dostavili ste nam zastupničko pitanje zastupnice Belme Kapo postavljeno na 16. radnoj sjednici Skupštine Kantona Sarajevo, u skladu sa čl. 211. i 214. Poslovnika Skupštine Kantona Sarajevo: Molim da mi dostavite informaciju da li je u cjelosti moguće refundirati troškove koje pacijenti plate za usluge iz oblasti Radiološke dijagnostike, preventivno mislim na usluge Magnetne rezonance, a u slučaju da se pacijent nalazi na listi čekanja u Javnozdravstvenim ustanovama duže od 90 dana?

S tim u vezi dostavljamo odgovor kako slijedi:

Građani - osiguranici Kantona Sarajevo imaju pravo na refundaciju deficitarnih usluga koje ne mogu biti realizirane u roku od 90 dana u javnim zdravstvenim ustanovama, već u privatnim zdravstvenim ustanovama sa kojima Zavod zdravstvenog osiguranja Kantona Sarajevo ima zaključen ugovor.

Ugovorene usluge MRI i MRI sa kontrastom su utrošene, ali naglašavamo da osiguranicima nije uskraćeno pravo na iste ukoliko ispunjavaju uslove za izdavanje Saglasnosti na teret Zavoda zdravstvenog osiguranja Kantona Sarajevo, što znači da osiguranici mogu uraditi navedene pretrage u bilo kojoj zdravstvenoj ustanovi i podnijeti zahtjev za refundaciju utrošenih sredstava. Sve ostale pretrage koje su na listi deficitarnih usluga su i dalje raspoložive.

Način ostvarivanja prava na usluge u privatnim zdravstvenim ustanovama uređen je Procedurom o načinu ostvarivanja prava na deficitarne usluge koja se nalazi na web stranici Zavoda pod nazivom „Procedura o načinu ostvarivanja prava na deficitarne usluge“.

Članom 4. navedene Procedure propisan je sadržaj dokumentacije koji se dostavlja uz Zahtjev, na osnovu koje se utvrđuje pravo i izdaje Saglasnost. Sadržaj dokumentacije uz Zahtjev:

- Dokaz na osnovu kojeg su preporučene usluge od strane doktora specijaliste,
- Original uputnica izdata od strane porodičnog doktora sa datumom izdavanja,
- Uputnica iz tačke b) ovog člana obavezno sadrži datum javljanja osiguranika u zdravstvenu ustanovu i datum zakazanog termina specijalističkog pregleda, uz pečat ustanove u kojoj je zakazana usluga.

Stručna služba Zavoda, na osnovu podnesenog Zahtjeva, provodi postupak provjere ispunjavanja uslova za ostvarivanje prava na traženu uslugu iz domena deficitarnih usluga, a po utvrđivanju istog izdaje Saglasnost na osnovu koje osiguranik ostvaruje pravo na pružanje usluge u ugovorenim privatnim zdravstvenim ustanovama. Osiguraniku se potom ponudi spisak privatnih zdravstvenih ustanova koje vrše traženu uslugu, te može birati privatnu ustanovu sa ponuđenog spiska.

Zavod zdravstvenog osiguranja Kantona Sarajevo opredijeljen je za transparentan rad i upoznaje svoje osiguranike o načinu ostvarivanja prava iz obaveznog zdravstvenog osiguranja. Građani su

Adresa: Ložionička br. 2, 71 000 Sarajevo

ID broj: 4200178560003, PDV broj: 200178560003, Broj upisa u sudski registar: 65-05-0051-12,
Depozitni račun broj: 154-921-2014617245, Glavni transakcijski račun broj: 154-921-20146171-48,

Transakcijski račun broj: 134-001-11100067-72

Tel. +387 33 72 52 00, +387 33 72 52 07, Fax +387 33 61 86 14

e- mail: info@kzzosa.ba kabinet@kzzosa.ba



blagovremeno obaviješteni o navedenom pitanju putem web stranice Zavoda zdravstvenog osiguranja Kantona Sarajevo i medija.

S poštovanjem,



DIREKTOR

Mr.sci.oec. Muamer Kosovac

Dostaviti:

1. Naslovu;
2. Direktoru Zavoda zdravstvenog osiguranja Kantona Sarajevo;
3. Služba za medicinske poslove;
4. IT - za objavu na web stranici u rubrici „Javnost rada – odgovori na zastupnička pitanja“;
5. a/a